

Hattak Móma Iholisso

Ishtaa-aya Ámmo'na Holisso

Hattakat yaakni' áyya'shakat mómakat ittíllawwi bíyyi'ka. Naalhpisa'at hattak mómakat immi'. Alhínchikmā hattak mómakat ishtayoppa'ni.

Hookya nannalhpisa' ihíngbittookā ittimīlat taha. Himmakā hattakat aa-áyya'shahookano ilaapo' nanna anokfillikakoot nannikchokmohō anokfillihootokoot yammakō yahmichi bannahoot áyya'sha.

Nannalhpisa' ihíngbittookookano kaniya'chi ki'yo. Immoot mahāa'chi hattakat áyya'sha aalhlhikā.

Nannalhpisa' ihíngbittookā immoot mahāahookya hattakat ikayoppa'chokmat ibaachaffa ikbannokmat ilaapo' nanna aanokfillikakoot yahmichi bannahoot áyya'sha.

Hattak mómakat nannakā ittibaachaffa bíyyi'kakmā chokma'ni. Hattak yaakni' áyya'shakat nannalhpisa'ā naapiisa' alhihaat mómakat ittibaachaffa bíyyi'kakmā nanna mómakat alhpi'sa bíyyi'ka'ni.

Yaakni' hattak áyya'shakat mómakat nannakā yahmi bannahoot áyya'shakat holisso holissochi: Chihoowaat hattak ikbikat ittiílawwi bíyyi'kahō Chihoowaat naalhpisa' ikbittookā yammakō hattakat kanihmihoot áyya'sha bannakat yámmohmihoot áyya'sha'chi.

Hattak yaakni' áyya'shakat mómakat yammookano ittibaachaffahookmaka'chi nannakat alhpi'sa bíyyi'ka'chikā.

Hattak mómakat ithánahookmaka'chi.

Himmaka' nittak áyya'shakat

General Assemblyat

Nanna mómakā nannakā ithánacha ittibaachaffahookmakoot nannakā alhíncha'chikat holisso ikbi.

AnompaKanihmo'si1

Himmaka' nittakookano hattak yokasht toksalicha'nikat ki'yo. Hattak mómakat ittíllawwi bíyyi'kacha nanna mómakā ittibaachaffa'hitok.

AnompaKanihmo'si2

Hattakat pisa ittimīlayyokhacha kaniyahō aamintihookya mómakat ittíllawwi bíyyi'ka.

Hattakat yaakni' kaniya'ō aamintihookya ittíllawwi bíyyi'ka.

AnompaKanihmo'si3

Hattakat hattak yoka'shcha aba'nikat imalhpi'sa ki'yo. Hattakat holiitopa bíyyi'ka.

AnompaKanihmo'si4

Hattak yoka'at ikshoka'ni.

AnompaKanihmo'si5

Hattakat hattakaakaynikā kalakshichit nanna impállammicha'nikat iksho nanna kanihmi ki'yokā.

AnompaKanihmo'si6

Hattakat mómakat hattak bíyyi'ka.

AnompaKanihmo'si7

Hattak naapiisa' alhihaat hattak mómakā ittállawwicha'nikat imalhpi'sa.

AnompaKanihmo'si8

Hattakat nannikchokmohō hattak iyahmohmikmā naapiisa' alhihaakoot hattak yamma apila'chi.

AnompaKanihmo'si9

Hattakat nannā kanihmi ki'yokā yokacha' ki'yo kanahoot nanna onhochikā.

AnompaKanihmo'si10

Yokashtokookmā court ishtayyana inaapisa'akoot inaapisa'chi nannakat alhpi'sa bíyyi'ka'chiho.

AnompaKanihmo'si11

Kanahaat nanna ikchokmohō yámmohmi imahoobakmat naapiisa' alhihaakoot nannakat alhpi'sa bíyyi'kahō inaapiisa'chi, anompa loma' nannakya ikshohō.

Nannakat ikchokmohō ishyámmōhtok ki'yokya naapiisa' alhihaat nannalhpisa'a ilánchikmā falammisht anompa achonhochi banna'nihookya yahma' ki'yo, naalhpisa'at ikshokíshtokootokō.

AnompaKanihmo'si12

Nanna ishkanīhtok ki'yohootokō kanahaat nanna chiikanīhcha' ki'yo.

AnompaKanihmo'si13

Kaniya'ō aya chibannakmat ishiyya'hi bíyyi'ka. Kaniya'ō ánta chibannakmat ishánta'hi bíyyi'ka.

Yaakni' kaniya'ookya ishiyya'hi bíyyi'ka. Aatokmat falamat ishāa-attatokmā aya chibannakmat ishiyya'hi bíyyi'ka.

AnompaKanihmo'si14

Kaniya'ō ishántakā kanahaat ikayoppachokmā kaniya'ookya ishiyya'hi bíyyi'ka.

Nanna ikchokmohō ishyammohmikmat kaniya'ookya ishiyya' ki'yo.

AnompaKanihmo'si15

Kaniya'ō ishāa-attatookookya kaniya'ō aya chibannakmat ishiyya'hi bíyyi'ka.

Kaniya'o ishaa-attattookmat ánta chibannakmat ishánta'hi bíyyi'ka.

AnompaKanihmo'si16

Hattakat ihoo táwwa'at kaniya'o ittihaalalli bannakmat ittihaalalla'nikat imalhpi'sa.

Ittihaalalli ikbannokmat ittihaalalla' ki'yo kaniya'ookya.

Kanahaat ittihaalallittookat inchokka' chaffaat áyya'shakmano holító'pa.

AnompaKanihmo'si17

Hattak mómakat nannakat imáyya'sha bíyyi'ka.

Kanahoot imaaisha' ki'yo immi'ootokó.

AnompaKanihmo'si18

Kanahaat nanna aayimmikat ittimílayyokha bíyyi'kahookya, nannahó ayoppachi bannakmat ayoppacha'ni.

AnompaKanihmo'si19

Nannahó anokfilli chibannakmat ishanokfilla'ni. Nannahó holissochi chibannakmat ishholissocha'ni. Holisso nannahó ittimanompoli chibannakmat istimanompola'ni.

Anompa Kanihmo'si20

Nannahó ishtittanahaat áyya'shcha ittibaanokfilliká ibaafóyyokha chibannakmat ishibaafóyyokha'ni.

Nanna ishtáyya'shaká ibaafokha ikchibannokmat ishibaafokha' ki'yo.

AnompaKanihmo'si21

Ittibaachaffahookmat hattak mómakat naalhpisa' ikba'ni.

Kanahaat naalhtoka' nannahó malili bannakmat malila'ni.

Hattak mómakat kanahó naalhtoka' atookoli bannakmat imvoota'chi.

AnompaKanihmo'si22

Kanihmit ánta chibannakat ishahánta'ni. Kanahó ishhottopacha' ki'yo.

AnompaKanihmo'si23

Aatoksali' chokmakillahó hattakat aatoksala'ni.

Kaniya'o ishaatoksalikat hattakat toksalikat kanihmi imalhtobahookmá ittíllawwihoot chimalhtoba'ni.

Ta'osso lawahó ishikbihookmakoot aa-atta ishhayocha'chi.

Unionó ibaafokha chibannakmat ishibaafokha'ni.

AnompaKanihmo'si24

Ishtoksali bíyyi'kakā hashi' kanalli kanihmikā chímahookmakō ishfóha'ni.

AnompaKanihmo'si25

Nanna mómakā ishatahlihookmaka'chi — ishimpa'chi; naafokha; ishaa-atta'chi; alikchi' ishimayya'chi — mómakā ishatahlihookmaka'chi. Nannahoot chikanihmihookmā kanahmat achipilakmaka'chi.

Chipotaat kaniya'ō aamintihoot áyya'shahookya kanahmat apilakmaka'chi. Ishki' mómahō apilakmaka'chi.

AnompaKanihmo'si26

Chipota mómakat holissaapisa' aya'nikat imalhpi'sa, ta'osso nannikimikshohookya. Kana mómakat nanna aaithana' aya bannakmat aya'ni.

Hattakat nanna aaithana' ayakmā nannakat alhpi'sahō imanōlikmā chokma'ni.

Chipota áyya'shakmā ishki' inki' táwwa'akoot holissaapisa' kaniya'ō ayachi bannakmat ayacha'ni.

AnompaKanihmo'si27

Kaniya'ō nanna ishtáyya'shakmā kanahoot ayyacha ibaayahmi bannakmat yahma'ni.

Kanahookya nanna ikbicha kanchi bannakmat kancha'ni, ta'osso isha'chikat.

AnompaKanihmo'si28

Anompa kanihmo'si yappā hattakat haklocha kanīhchit anokfilli bannakmat anokfilla'ni. Nannahō kanihmi bannakmat yahma'ni.

AnompaKanihmo'si29

Kana mómakat ittapilakmakilla.

Hattakat naalhpisa' ikbi, hattak apila bannahoot. Naalhpisa' kobaffa' ki'yo.

Anompa kanihmo'si yappat alhkaniya' ki'yo.

AnompaKanihmo'si30

Holisso tobattookō kanahookya ikimalhkaniyyoka'ni.